

XXI. Да не буди, княже, рука твоя согбена на подание убогим: ни чашею бо моря изчерпати, ни нашим именем твоего [л. 227] дому истощити. Яко ж[е] бо невод не удержит воды, но точ[и]ю едины рыбы, тако ж[е] и ты, княже господине, не воздержите злата и сребра, но раздай людем.

XXII. Поволока испещрена многими шелки красно лице являет; тако и князь многими людми честен и славен по всем странам. Яко ж[е] рече Соломон: слава царю во мнозех языцех, тако и тебе, господине княже, слава и победа велика во мнозех людех. Яко ж[е] бо похвалис[я] Езекеи царь послом царя вавилонскаго и пока[за]¹ им множество злата и сребра; они ж[е] реша ему: нашь царь богате тебя множество во; занеж[е] муж злато дабудет,² а златом людей и не добыти. Яко ж[е] рече Святослав князь сын Игорев, идьи на Царьград с малою дружиною, и рече им: братие, нам ли от града [л. 227 об.] погинути, или граду от нас пленену быти? Яко ж[е] бог поведит, тако и будет: пож[е] нет един 100, а от то ста двигнетца 1000. Надеяся на господа, яко гора Сион не подви[же]тца³ в веки.

XXIII. Див[и]я за буяном кони пастити, а за добрым князем воево-
дिति.⁴ Многажды бо безнарядием полки побивают. Видех: велик зверь, а главы не имеет; тако и добрыя полки без добраго князя побивают.

XXIV. Гусли бо строятца персты, а тело основаецца жилами; а дуб крепитца множеством кореньи; тако и град нашь крепитца твоею дер-
жавою.

XXV. Зане князь щедр отець есть всем: слузи бо мнози отца и матери лишаютца и к нему прибегают. Добру бо господину служа, даслужитца свободы, а злу господину служа, дослужитис[я] болшия работы. Зане князь щедр, аки река без берегов, текуще скво[л. 228]зе дубравы, напаяюще не токмо человецы, но и скоти, и вся звери⁵; князь скуп, аки река, велик берег имуще каменныи: нелзя пити, ни коня на-
поити. А боярин щедр, аки кладяз[ь] сладок.

XXVI. Не имеи двора близ княжа двора, а скуп боярин, аки кла-
дяз[ь] солон,⁶ не держи села близ князя села: тиун бо его яко огнь третицею накладен, а рядовичи его аки искры. Аще от огня устере-
жешися, но от искры не можеши устрешис[я].

XXVII. Господине мой! Не лиши хлеба⁷ нища мудра, ни вознеси до
облак богатаго безумна, несмыслена. Нищь бо мудр, яко зла[то]⁸ в
калне сосуде; а богат красен несмыслен, то аки паволочитое зголо-
в[и]е соломы наткано.

XXVIII. Господине мой! не зри внешняя моя. Аз бо одеяние[м]⁹

¹ Пропуск за в рукописи не отмечен.

² д переправлено из з.

³ Пропуск же в рукописи не отмечен.

⁴ а . . . воеводити вставлено на поле.

⁵ и исправлено из юса малого.

⁶ При списывании с оригинала переставлены строки; а скуп боярин, аки кладяз[ь] солон должно предшествовать словам не имеи двора близ княжа двора.

⁷ ба над строкой.

⁸ Слово не дописано, пропуск не отмечен в рукописи.

⁹ Последнее слово на листе не дописано.